

皇明經世文編

皇明經世文編卷之四百九十七

陳子龍臥子 徐孚遠闇公

華亭

宋徵璧上木 顧開雍偉南

選輯

單 恂質生叅閱

魏忠節公集

疏

魏大中

懇乞聖明發帑以寬加派併敕詳議調募團練

事宜以杜亂萌疏

發帑蠲派調募團練

臣竊惟 皇上今日所與其保此宗廟社稷者獨民

皇明經世編

魏忠節公集

發帑蠲派

平露堂

心耳、民心不可重傷也、傷心之久、收拾已遲、失今不

圖、更派餉徵兵、茫無再計、騷動天下、欲以禦外寇、乃

在內不可不深慮也、以臣愚計、當首整內帑、夫帑何

以當罄也、思先帝之在東宮、瀕危懼者數矣、而神

明護呵、萬靈擁戴者數十年、迄登大寶、享祚不永、此

天意在、陛下也、天意所在、宜其休徵協應、嘉氣四

塞、戎翟之倫、解辯稽顙、而逆奴作難、漸迫門庭、岌岌

有不及夕之惧、臣不得其解、竊疑大內之積、皆當日

豺虎四出、椎山竭澤、掘塚羅門、逮官殺人、吸膏吮血

其終內帑亦一時流歎之曰然能不惜財物

則臣臣少以

所致。蓋海內愁怨之氣所聚也。怨氣所聚，發爲戈矛。非盡散其積，無由消弭兵戎。凝爲嘉祉，計及今一大。渙之，除諸經費，取辦額賦外，其滅奴所需，悉仰內帑。不以煩民，目前無急。廣寧者，撫臣王化貞、道臣張應吾、臺臣方震孺所請，應卽遣官沛發，無愆。至各移鎮兵道里費若干，募兵費若干，城池硝黃盔甲器械費若干，市馬費若干，訓練犒勞費若干。城中積備費若干，各衙門熟籌緩急，巨細次第以請。如昏暮叩門而求，水火無弗與，非獨洩海內愁怨之氣，應天道聚散。

之常亦以壯羣臣滅賊之膽得指麾如意無扞衿露肘之患無徒今日百萬明日百萬兩兩銖銖事事不暢貽異日欲用而不及用之悔也所謂內帑之當罄者此也內帑發則加派省災稜之地當蠲也徵師之地當蠲也過師之地當蠲也宿師之地當蠲也畿輔之地不但蠲加派而已似又當賜以元年田租之半何也邇年令牧繭絲爲政一旦有急睚眦小民慮無不疾視其長上而不救者重以徵牛徵車解夫解匠疲於奔命度有事能爲皇上保障沉竈產蠶而無

他意乎。夫京師人心亦猶是也。臣故謂加派之當量
蠲。而畿輔京師尤宜優恤也。恐尚未足以固其心也。
至調募之事。抑又難言。遼左數年。敗氣不復。聞調赴
遼。如往棄市。遣行之日。有對督撫大吏而悍不擇音
者矣。近且撤朝官而募義勇。倘郡邑守令。汲於奉公
保無僉派平民。如發閭左。而父母妻子牽號頓跌。慄
絕銷魂者乎。此最足以傷百姓之心者也。至徒募行
乞。費金錢而無益軍國之毫毛。又不待言矣。若國家
有事。輒仗土兵萬一不戒。有輕天朝之心。跋扈自雄。

不可控馭。不虞臆噬耶。帥澤蘆礦實煩有徒。不朞且聚而爲盜。籍之爲兵。不獨禦敵。且弭內患。顧駕馭實難。招揀未易。幸今出募諸臣。咸忠智材傑之士。可無他虞。而前車往往而有。願諸臣慎之也。寧精而無多也。精則一可當百。少則易馭。費亦稍簡也。及其踉蹌首路。穢悍不馴。土人見之。如遇強虜。朋淫抄掠。所過爲墟。往歲水兵劫船。至舟楫不通。米價騰踊。蘇杭七郡。抑價遏糴。幾釀禍變。且又善逃。逃卽爲盜。爲勝爲廣。皆不可知。蓋將領有利其逃。而自爲逗遛地者。願

出募諸臣之慎之也。慎擇將領。嚴紀律。無縱其淫虐。而以傷一路之民心也。遼人善降。固由內應。要亦客兵淫虐。羞憤勃發。生不如死。致然爲今之計。援遼兵將之在廣寧者。悉沿三岔河而守。以禦奴。西寧西平西興等堡婦女。俱撤至廣寧入保。無溷客兵所處。以傷其心。男子老弱者。以乘城。壯者盡籍而爲兵。以待戰。登萊以至天津。則廣寧之犄角。山海而西。各隘口以至宣大。則廣寧之後勁。而京師之後護也。均宜團練土著。若雄邊子弟遺意。以厚集其陣。頃遼陽五六

生員殺賊數十。結隊而行。莫敢追者。由此觀之。厲氣
所鼓。卽以挫方張之銳兵。固無常弱矣。移鎮之不可
以已。以備目前之急。兼以爲擣奴地也。畿輔八郡。則
京師之前護也。空令撫按督郡邑守令。計地廣狹。多
以千計。少亦數百。揀拔悍勁習武事者。以忠力訓練。
成一旅之師。平居則閭閻相守。無去鄉井離墳墓之
嗟。聞警卽守令親督與偕來。固無所事。逃逃亦易跡。
事畢則散以歸農。甚便也。必守令躬督以來。庶訓練
精也。此先臣王文成所以平寧庶人者也。京師警其

可九萬人。內善戰者可得三萬人。今令九萬人而人
與之錢十。不如挑長材異能者三萬人而畀之日三
十文也。餘六萬人。可以備登陴。派堞之需也。嚴行保
甲。再得兵數萬人。更檄各處巡撫。以標兵數千入衛。
而京師可守也。且各邊鎮兵。與八郡良家子。可一呼
而集也。調募抵京者。悉令詣三岔河。以候大舉。毋集
京師。畿輔間。令土著者。更飲其毒。傷其心。而吾民不
可與守也。總之。廣調募。不如練土著也。調募之不可
以已。爲搗奴計也。顧調募之害。亦略具矣。安所得廉

勇仁明嚴毅之將統之而凱無他害哉。

合詞恭懇聖斷立誅遼左失事諸臣以自爲社

稷計疏

請誅陷遼諸臣

臣等竊惟自有遼禍以來民間之髓血內帑之金錢文武將吏士女軍民之肝腦祖宗之金甌敲剝塗膏傷殘缺陷無不疾首痛心者夫疾首痛心于遼禍卽無不疾首痛心于禍遼之人而首禍者誰李維翰也李永芳叛撫順陷張承胤之全軍沒無可赦之辟也起楊鎬以經略而清河陷會安之陷不以聞四路

出師，鹿李如栢，仇杜松名將，銳師淪沒殆盡，已又聽周永春、鄭之范散兵分牧，卒陷開原，無可赦之辟也。

其辟殆浮于維翰也。遼瀋之陷，袁應泰、張銓以身殉

之，河西之敗，奴騎未薄廣寧，而王化貞棄廣寧而西。公在垣，疏參王熊、何義、薄上，而後汪中書一乘反。以營救封疆失事為詞，不亦冤哉。

熊廷弼自閭陽與並馬而俱西，驅居民，燔烈士，委棄

兵革輜重，及民間之藏，不可勝計，而數百里封疆委

之甌脫，無可赦之辟也。廷弼化貞之辟，不亞于鎬也。

高出胡嘉棟者，檄之援遼陽，則迺檄之援廣寧，則又

迺，天下未有一迺再迺而復可迺于辟者，且是二臣

者固遜臣之倡也。邇樞輔遠繫臣一疏，誠不知其何心。皇上爲封疆深念，本欲大肅軍紀，特以樞輔情辭懇惻，姑待楊鎬、熊廷弼、王化貞等以不死，不死非法也。以樞輔故，姑待以不死，知非皇上之心也。昨諸臣朝審，不在矜疑之列，均註候旨，亦足以見其情真而無可原矣。樞輔在用兵之際，或者假此以別神其鼓舞，然熊廷弼之再出也，中朝不驕子奉之，高出胡嘉棟欲赦則聽其赦，欲用則又聽其用乎？而其效何如也。有賞而無罰，雖聖王不能治天下。爲今之計

空卽僂諸燮臣以示失事于封疆者殺無赦不得覲
異日之蕩平以倖脫庶文武將吏亡地圖存死地圖
生然後臨事而懼好謀而成不以 皇上之封疆僥
倖耳若法不必行心存幾幸進或輕于一試退有不
忍言者不可不爲封疆深念也 皇上之封疆重斯
臣察之情面輕朝廷之紀法嚴斯臣子之功名顯河
東之失人臣尚知有死城死綏之義自高山胡嘉棟
逝熊廷弼王化貞用其逝因與俱逝而死事僅高邦
佐一人武功士氣蕩焉如掃安可更襲其故而不爲

紀法封疆一重圖之也。臣等恭繹明旨，謂南北用兵，軍紀宜肅，不得不爲封疆深念。念封疆肅軍紀無如一旦赫怒，縛楊鎬、熊廷弼、王化貞、李維翰、高出、胡嘉棟、李如楨、達奇勳、竇承武等，僇于市。若待楊鎬等以不死，亦無以服李如楨等之心。且皇上奉社稷以從樞輔，問外之事，一以聽之。若中朝生殺予奪，黜陟足非，太阿自握，廷論自察，不當復以此分樞輔之念。令樞輔一意圖奴，母令天下若鉅若細，耽耽而未遂者，胥走閔門如鶩也。

書

答藩王

却餽

日者大藩以選婚聞、遣封之期、例在來夏、天子特念周親、與今歲所彙、請諸藩同日冊命、不以大中爲愚不肖、使載節而南、荷大藩顧念使臣大河以北、勞迓之使、卽踵相接也、封典竣事、又念使臣遠道風霜、不以筋骨爲禮、至日宴勞、行日宴餞、侑之金、悉以數百計、且每辱使命、請詞懇款、殷勤再三、而大中執其書生之諒、愚不可移、方俱討茲不恭、未從原宥、乃甫

田道上信使前驅加籩旅核所爲杯盤臺筋之厲咸具而金之爲百者五何其厚也重以書命諄諄媿媿若慮大中之復不敢當而要之以必不可辭也顧大中諒不敢當而必不敢以不辭也蓋大中業已詔祿于朝傳食於道大藩之賜雖受之無所用之方今山海戒嚴戍卒乘障其以犒邊邊士比於投醪大惠也一介馳驅寧足厯大藩之眷眷而不已亦惟曰自天子所謂我來耳推此勞使臣之心爲天子勞軍大敬也大藩賜履在天地之中陰陽之會蒙休襲慶

無蜀之奢魯之妖爲大藩憂而遠軫衝邊力獎王室
大忠也建藩之始神祖眷愛特切廣置莊田連州跨
省今關東陷沒金甌闕傷在天之靈必有恫焉不寧
者而以食租衣稅之饒佐封椿之不逮大孝也以神
祖之愛子先皇之介弟今皇上叔父之親而助邊
爲諸藩先大順也設以數百金者爲無當於太倉之
稊米而大藩初建食寡用舒倍之十之百之惟大藩
自命大義也數十年以來忠肝義膽憤積疑填大藩
之心尚未白於天下今乃損國犒邊令海內聞且見

之曰。福藩之不植其私。而以急公家也。如此。釋羣疑。集衆美。永帶礪。目前無急此者。伏惟不鄙。芻蕘。采而行之。如親受賜。

與姚鏡初

免運利弊

東南財賦之區。敝邑在東南中。賦尤獨重。幅員才二百里。而漕粟至八萬有奇。其一微矣。免運法正耗米百石。加九石八斗。而此一百九石八十者。至都止交卸七十餘石。蓋每百石有三十七石之贏矣。而旗軍何厭之有。故詆米爲濫惡。以圖溢於額外。積胥夤緣。

爲奸利。奸里之窟穴其中者。輒虛增以爲柔良。先日
復一日。以迄去歲。加至十四石。寢加至十八石。而益
之以尖。又多方其名色。如綱司伍長倒籬之類。每米
一石。費銀八分。積至八萬。所費若干矣。夫民之奸者
少而良者多。米之惡者少而善者多。而民之良者。與
米之善者。偏受勒于奸旗者多。長此不窮。不隄之祖
宗之法。其何紀極。康父母下車。廉得其實。初冬卽立
限徵米貯倉。曰米不足。將有折乾之弊。病國米集矣。
籩之颺之。至再至三。曰米不淨。將有浥耗之虞。病軍

米足矣、淨矣、遼糧儲矣、戎器戒矣、行糧緘矣、曰如是而不堅持漕規、或溢額以予軍病民、不可以爲民父母、而旗軍於去歲得志之秋、則又騰敵邑以節節高、日日長之號、今歲遂有營撥敵邑以爲利者、其故弄敵邑於股掌、視如几肉者、驟聞而駭、失所懷來、五枝畢用、以冀一撓其法、僂運利速、故示之以吾且遲、地方空靜、故示之以吾且譟、而康父母日止倉庾、恬不爲動、氣和而語諍、曰吾之郵軍者已周矣、今日惟有以官殉法、今日惟有以官殉民、會司理姚公祖行部

至縣見米色真無右嘉善者而旗軍亦覘康父母無
少變意乃始揖志受程不四月而八萬餘糧罄行平
兌解維而前矣

皇明經世文編卷之終

皇明經世文編卷之四百九十八

華亭

徐孚遠闇公 宋徵璧尚木

選輯

陳子龍臥子 何 剛愨人

江陰周榮起仲榮校

繆太史集

疏

繆昌期

擬請 聖斷綜核名實剖判是非以息羣囂定

國是疏

臣聞帝王制世常使臣下盡言而不使臣下煩言盡

言者盡天下之心也、人各有心、心各有口、各是其是、各非其非、非可以一人之私議而掩之也、故曰、必使

臣下盡言、若夫言盡矣、言之條理、與言者之心之本

此作於——神廟時故以沉默為規切也

來、已瞭然自獻于、人主之前、而人主復沉沉墨墨、不

為之一剖、則言者各以其言求勝、至言者各以其言

求勝、不惟掩人之口、抑且自掩其發言之心、而天下

從此多事矣、故不使臣下煩言、夫不使煩言者、非排

而制之也、以言責名、以名責實、執之甚簡易、處之自

安和、御臣之術、亦不出此、臣伏見 陛下深居以來

于外廷章疏、一切置不問、于是下無言之利、亦無言之禍、筆戰舌爭、闕然於交戟之下、無復人臣之禮、臣甚駭焉、當此時、卽 皇上慨然下一令曰、勿多言、多言者罪、臣固知言者之不止也、再下一令曰、某言是某言非是、臣又知言者之益譁也、何也不核其是非之所在、而強禁之、又強以是非之名蓋之、人必不服、臣以爲今之言者、不過兩端、或言事、或言人、或言事而爭、或言人而爭、其事與人之實、必有一歸、而言者各有所挾之名、以爲爭端、惟就其所挾之名、還以其

實責之。則彼之紛紛求勝者。皆可以片言而決。如爭某事矣。卽問某事何若。爭某人矣。卽問某人何若。循類而推。無事不可質對。無言不可窮詰。及其理有究竟。議有歸著。而皇上出片言以剖之。以人主之執順人心之公。而行顯白之令。其孰能矯其後哉。臣觀近日之煩言。爲事而爭者十三。爲人而爭者十七。然所爭之意在人。而所托之名必在事。人以因人。事復生事。故言之枝葉。與其事之葛藤。相牽相附。而不可斷割。故曰多事也。今欲省事。不如省言。欲省言。不如

核其所言之事與人欲兼核其所言之事與人不如
專核其所言之事。何也。有附于人之事。亦有附于事
之人。人與事皆事也。如就事核事。而功罪自明。賢不
肖自分。煩囂自平。若舍事不問。而欲貶朝廷之尊。曉
曉焉與臣下爭人之賢不肖。非褻則瀆矣。唯 皇上
之英誼。不肖自處於褻瀆也。是故一切置之不問。然
不問而議轉劇。事轉增。人之所傷。滋多。國家之綱紀
人才。俱可惜也。今其議端之所起。與事理之所歸。天
下曉然。士大夫曉然。恨不得朝廷一處分耳。而當事

大匱復一切多避少任。相與徘徊觀望。以聽其自鳴
自止。臣愚以爲失。今不問長此安窮。伏望 皇上盡
簡邇年章奏。下所司條議可否。有不決者。再下九卿
臺省雜議之。然後付執政大臣。虛心折衷。請自 上
裁。則 明旨出而人心服。人心服而國是定矣。

李侍御集

疏

李應昇

罪當巧於護身 明主不宜分過謹直發其欲
君之罪以仰祈 聖斷疏

昨臣堂官左副都御史楊漣疏、叅東廠太監魏忠賢
二十四大罪、此非漣一人之私言、通國之公言也、通
國之人、畏忠賢甚于畏 皇上、故切齒不平、搥手相
戒、漣獨冒死危論、感悟 聖心、謂宜大奮 乾剛、立
加斥逐、以正其竊弄 威福之辜、忠賢亦應束身待
罪、以謝天下忠臣義士之口、乃一疏乞憐 溫旨先
下、羽翼四布、謬曰孤臣恣睢無忌、謬云忠赤不知誰
爲代、草以欺 皇上者、皇上因其不辯、轉謂小心
夫忠賢非不欲辯也、千真萬真、無可辯也、千罪萬罪、

又不勝辯也。忠賢不能自辯，而皇上反代爲之辯。則中旨真可聽其僞傳乎？閣臣真可聽其爰立乎？外廷真可聽其交通乎？老臣真可聽其驅逐乎？直臣真可聽其禁錮乎？生殺真可聽其自操乎？爵祿真可聽其掌握乎？奸細真可聽其深藏乎？兵柄真可聽其在手乎？出入真可聽其僭擬乘輿乎？臣知我皇上英明天縱，此固非皇上之意也。皇上特念舊勞，不欲遽加顯斥，而忠賢但招詢議，動輒諉說親裁，昨聞叅疏到閣，依然傳擬，而明旨諄諄，遂一一爲忠

賢任過、夫忠賢何敢欺。皇上至此乎、且既云任事過直矣、事則忠賢任之、而名則皇上受之、忠赤者固如此乎、臣嘗觀從來小人之禍、其始莫不有小忠小信、以固結其主之心、根株既深、棘手乃露。故夫不遽爲王振劉瑾者、乃其深于爲王振劉瑾者也。今

魏 嘗 育 危 社 稷 罔 不 止 如 王 劉 也

皇上曲賜包荒、明示寬大、姑念其犬馬、而反以蓄豺狼、厚益其醇醲、而輕于疎藥石、譬之士庶之家、有紀綱之僕、日竊其主之財力、以恣睢歛怨、而日事左右之彌縫、一旦有人焉、盡告其事于主人、不免念其奔

走姑與優容然主雖不言而僕固已疑矣疑則思自全之計急則作走險之謀蕭牆之間寧無深患故忠賢不去則皇上不安而今日被論之忠賢不去則

皇上愈不安臣爲皇上計莫如聽忠賢之引退

以全其命而解其燭影之疑卽爲忠賢計亦莫如早自引決以釋中外之疑而乞帷蓋之賜不然皇上日爲忠賢作江海之流而忠賢日以其身供鳴鏑之射縱多方藉口百計防川鬼神忌盈物惡其上九廟之靈將必殛之況于忠臣義士請尚方之劍者哉嗟

此云有所指

乎君側不清焉用彼相一時之爵位有盡千秋之青
史難欺不欲爲劉徒謝遷者恐不能爲李東陽倘
畫策投歡不幾與焦芳同傳耶臣忝列言官不敢作
寒蟬仗馬恃有 聖明之鑒觸犯兇鋒死無所恨

皇明經世文編卷之四百九十九

徐孚遠闇公 陳子龍臥子

華亭

宋徵璧尙木 周立勳勒鹵

選輯

顧開雍 偉南 叅閱

侯吏垣疏

疏

侯震暘

劾客氏疏

客氏

先生君平最留意江南水利築成一書尚未付梓

山陵竣寧出宮奉有明旨不必鯁鯁過計為也旋

為長公豫總先生生構往江右竟未及采僅錄其闕

有臺臣王心一以義裁恩一疏 聖旨寬之而不責

一切治亂者二前

卷之一

職益欽仰、今月二十六日、果傳客氏午時出、君臣于是舉手加額、突奉今諭、職且驚且駭、謂此有所矯托、不出于 皇上耶、青天白日之下、斷斷無此理、謂

皇上果迫于義不容遲、情不忍割、旋出之而旋悔之耶、職又不敢信、 皇上固聰明英睿、不世出之主也、且以其身在宥天下、而不忍一保媿、至忘寢食、明告中外、有是理乎、使 皇上未離襁褓、則可、今年已出、幼外之則有疑、丞輔弼、內之則 中宮叶琴瑟之迷、兩宮稟小星之義、起居食息、調護維持、以節留精神、

以漸磨令德其何有于保媯而爲此戀戀耶且皇
上一身天地神明所呵護之身也二祖十宗所付
託之身也詎一保媯得私其恩天地呵護之矣祖宗
付託之矣而首于卽位之日怵以遼警告以災傷兵
動九邊餉窮四海此又天地祖宗借外憂以動我

皇上者也皇上念及此卽宵衣旰食夙興夜寐論
文武諸臣矢心滅賊以奠山河猶恐不給乃緣兒女
涕泣何爲且皇上不念邇者三喪竝舉兩母后棄

皇上于誦詩舞勺之年先帝二十載青宮三旬紫

極倏忽崩殂。頃雖升祔禮成。寶篋未築。有司宵露。職
旋繞其際。猶泣下沾襟。竊意 皇上九重之內。必有
寤寐興哀。栝菴顧痛者。特外廷遼遠。無由得知。而又
反有憶泣保姆之諭。甚矣爲聖德之累也。今夫諸王
公主。至親貴矣。朱邸旣開。叩關不易。奈何獨使么麼
里婦狎近至尊哉。憶職等匍匐送喪之日。萬姓角崩。
千官雲擁。獨一乘軒在後。巍然居中。道路指目。咸曰
奉聖夫人客氏。靡不舌擡眼張者。又禮臣周道登語
職云。神主進德勝門。一老姬長跪路旁。望塵號慟。驚

問之、有錦衣臣駱思恭曰、此先帝阿姆、恩寵未遑、是以悲耳、職喟然興歎、同此阿乳之功、薄者使行路、猶憐、厚者能不盈滿、招忌、女德無極、皇上卽爲客氏、一身富貴計、亦宜早加裁抑、曲示保全、不宜格外隆恩、以寵而益之、毒且。皇上始而徘徊眷注、稍遲其出、猶可言也、出而再入、不可。時出時入、猶萬萬不可何也、宮闈禁近之地、詎宜習熟往來、閭巷穢褻之身、何得輒混視聽、况中涓群小、內外鎖連、借叢煬寵、有不忍言者。

糾輔臣疏 劾奸

今戎馬生郊、議論盈庭、况當主少國疑、奸璫竊弄、之始、所倚藉輔弼大臣、不啻險道之輶、中流之楫、宜何如品行、始勝其任、姦輔沈瀆、始借募兵以進身、繼借練兵以行媚、糜費無數金錢、濫授無數官爵、業經諸臣叅論、至擬之亂賊篡弑、臣謂瀆卽無其心、不可不防其漸、其最可羞、最可恨處、專結納權璫、交歡阿媚、禁中秘事、時密報以誇傳、暗裏机關、將朋謀而反覆、臣政擬特糾、而諸臣再疏已上、似可無言、及得其

辯疏讀之。理屈詞窮。机鋒肆出。尤不覺貲裂髮指天。
下。豈有兩奸首尾肯自供自吐者。今諸臣言。灌交客
氏。灌曰。請問諸客氏。言。灌交盧受。灌曰。請問諸盧受
言。灌交劉朝。灌曰。請問諸劉朝。從來有此質對之法。
否。有此辯白之体。否。明遮明護。復自認自招。想灌下
筆時。亦當神梭其手。至詆惠世揚爲速化。屬韓敬主
使。了不相蒙。緣何插入。又謂明斥熊廷弼招忌。夫弼
于犯國法。自不可諱。今之明斥廷弼者多矣。以公事
起見。雖議論不齊。何妨互證。灌得罪。公論恐不閑此。

爲此語者、將挑釁乎、將借資乎、閃爍變化、益不可方
物、臣不意 聖明之朝、有僉壬若此、昨歲閣臣劉一
燦、初念未嘗不正、但才識短淺、作用全疎、王安一案、
臣嘗諷其明目張膽、爲 皇上剖陳以去、終是含糊
隱忍、臣至今恨之、用王安者、且不免于机彈、用殺王
安者、當借何題目、如灌者、始終本末、原不與一燦同
倫、 皇上若復曲徇故套、賜玦不早、臣恐其內外鈎
聯、舞机弄智、更有不可言者矣、臣因有責于元輔、禁
向高焉、向高再起、東山重登、揆席海內、喁喁想望、

采乃近日舉動似委卸處多主張處少以求全爲智
以避謗爲高偶有相規輒杜門求去然則 聖恩眷
注謂何初心報塞謂何至若楊漣徐光啓之且不必
起也夏之令之以詰奸蒙罰也煬竈情形尤甚彰著
不爲救正何爲者夫惟首揆無屹立之丰裁而後奸
輔爲播弄之行徑准疏云臣居五臣後不能行意是
准又且歸責于向高者向高直在無可推無可諉之
地何如毅然擔任截然剖分票一事是曰是非曰非
票一人可曰可否曰否以和衷集賢哲之謨以獨斷

禡宵壬之魄、使中外知所倚賴、而疆事猶不至决裂、不可爲也、嗟嗟、政本至今日難言矣、有集垢滿身、曲借徑竇之沈滙、因有聞言克耳、直入綸扉之史、繼偕宅揆重地、恐轉成一頑鈍苟且之世界、而卓犖奇偉爲國家樹非常之烈者伊何人哉、臣草疏旣就、廷對屆期、姑緩一日而併有感于會場主考一事、內批與外擬忽異、通國喧傳、亦舉疑滙提弄、一箭雙鵰、與陳居恭疏同一机局、滙果有之、可謂心勞日拙、如其不爾、何以絕不相蒙之事、備舉而歸諸其躬、此亦可

以定、淮、之、品、矣、乃、朱、國、祚、受、命、之、日、爲、時、既、迫、因、辭、
恐、妨、大、典、今、已、竣、役、亦、似、不、妨、翩、然、引、退、蓋、流、傳、于、
古、畢、竟、爲、壬、戌、主、裁、旨、從、中、出、非、所、以、爲、名、也、國、
祚、能、決、去、就、于、幾、先、留、此、一、綫、名、義、不、亦、休、乎、國、祚、
清、恬、人、也、臣、故、以、此、言、進、觸、邪、無、忌、自、臣、職、掌、乃、概、
爲、諸、輔、效、他、山、之、石、極、知、狂、顛、但、生、平、自、許、孤、行、一、
意、有、懷、于、中、誼、不、能、嘿、統、祈、聖、明、昭、察、

楊方伯集

序

楊師孔

皇明經世編

侯楊二公集

卷之一

幼好

六

平露堂

大中丞閔公晉司馬暫留撫滇序

甸町界在萬里外，臥龍公用兵如神，僅能辦以擒縱。
宋祖雄邁一世，尚爾畫以玉斧，我二祖神聖疆理。
恩威淪洽，彬彬埒中原，藩圖邇者益州豕突，牂牁鯨
翻，叩節烽熾，盤江赤白羽無聞，岌岌滇雲，遠墮盾腹。
天啓聖明，特簡我閔公，昇以節鉞，公慷慨辭家，叱
馭前進，飛揚三楚，驅馳百粵，乘鉞入滇，鷄犬不驚，壁
壘改色，謹烽燧，固城守，肅將吏，儲糗糧，輯夷獮，首惟
咽喉，碍百脉，俱病秘授方略，恢復普安，安南殲尹王。

保巨寇盤江、破竹而下、酋長負隅者、皆願通道乞降、以贖往愆。滇黔呼吸貫矣。旣思四夷兢兢視武、尋曲交間如設科。張世臣者、稔惡爲嚆矢、留之養亂、且生戎心、靜簡驍將、嘿運沉机、或入虎穴、探囊取之、或設香餌、網羅致之、綠林幽箚間、自見咋指喙息、諸夷酋猛將精兵、無不就公膺、指東川祿夷蜀酋也、疆土不廣、界我肘腋、兵馬爲六詔雄、以逆良肺、麻患滇非一日、卽士戍攔人、尋武洵洵不至摧陷者、一戰之功、咽喉附尻、置之未卽、患急則爲害方大、公乘旣勝之

威制其死命、少寬縑索、間謀行于左右、恩威置以赤心、首果不能出吾彀中矣。霑城爲滇蜀黔要樞、西界鹽倉、北達東川、四面孤懸、逆良窟穴也。向爲孔道、今作龍淵、策黔事者、必以復霑爲先着。公不激不隨、蓬上將挑精銳、備糧食、儲城具、不數旬間、巍然百雉、壯我金湯、三酋震恐、視爲必鋤之蘭、適逆良擒獻、巨寇任事、狡役爭功、成彘水、藺合謀、共犯毳帳、彌山、戈甲遍野、誓必飲馬昆池、目中已無滇矣。聞者股慄、公不動神色、着着操先、在在破敵、每取勝之際、間不容髮。

三省捲士大戰頓令奔甲如丘流血成川喘息宵遁
人方頌不世奇勛公咲謂曰此尋常定着籌之久矣
微論晉接間毫未嘗德色即上封事不虛一級不誇
一詞不佞某管蠡之見側在宇下最深且久察屬輩
謀一言以紀盛美不佞某職操觚未能遜不敏逆之
往詰得二公焉其老成持重似趙克國沈毅胆識似
范仲淹當克國馳至金城先零罕开解仇作約議論
紛紛公定策必欲捐罕开闇昧之過隱而勿章先行
先零之誅以震動之后先零果望見大軍奔車重渡

湟道阨狹、克國徐行驅之曰、窮寇勿追、赴水溺死者
無算、兵至罕地、令軍毋燔聚落、罕羌喜曰、漢果不殺
我矣、罷騎兵屯營田、卒能坐困先零、千古誦詰謀焉
龍圖老子請修承平永平等十二砦、羌漢民相踵歸
業、當其築大順城、據后橋川口、處賊腹中、密遣子純
佑先據其地、引兵隨之、諸將不知所往、至柔遠板築
皆具、旬日成城、白豹金湯、皆不敢犯環慶、自此寇益
少、魏公經略招討、欲五路進兵、以平夏、仲淹守延州
堅持不可、判官尹洙嘆曰、公于此不及韓公矣、凡用

兵宜置勝負于度外，後師沒數千人，號呼馬首，韓公不勝悲憤，仲淹嘆曰：「當是時，難置勝敗于度外也。」及

其用人，謂邊事未寧，尤宜使過，活人于死者，必舍生

此序也，而作記，休故實事，顯然。

而報恩，榮人于辱者，必盡節而雪恥。朝廷貸高延德，

仍與近邊任使，則陷番將率聞之，必願吳賊歸順，再

見其家人之情也。狄青器度深遠，隸節下奇之，待以

國器，古今頌知人馬。東川之于彥良，豈啻先零罕非

公沈机卓識，必寬其一死而弄之掌股，邇者三省賊

大犯，日以名馬金帛飛騎如雲，坐守東川，竟不應一

卒且以其情實一一輸我。大寇之羽旣剪。肘腋之患已除。此破賊之最先着也。霑炎爲賊必爭地。置之委轡。城之樹敵。公簡任將卒。密儲糧餼。經理規則。預辦灰石。將軍之令未下。板築之具齊興。不日告成。賊騎已臨城下。迄今炎方城松林城亦佐城。平夷城呈貢城石屏城連挫狂鋒。先零諸賊之胆。豈非龍圖公城大順十二砦之故智乎。此破賊之最穩着也。夾種以射獵爲日用。殺戮爲生涯。我不用之。引而歸敵。且費餉以飽老弱。供扣尅。毋寧得死士也。公拔識夷將。無

不一以當百。忠勇敢順。且其部落皆父子兵。方大敵雲屯。象馬机發。萬騎辟易。無養兵之費。得用兵之寬。此破敵之最要着也。大將偏裨。非起自田間。即拔自行伍。貸之俘獲。干城寄重。貔貅色起。霑炎堅持。有張許之勇。尚能濟事。馬龍大戰。有周郎之妙。各出其奇。范孝子之器狄青。貸延德。何以遇之。此破敵之最緊着也。逆賊奔北。議者謂宜截歸路。隻輪不返。公曰。敵衆我寡。今窮矣。勝之不武。挫且害大。但令其自相蹂踐。即先零渡湟之勢。最可虞者。師行糧食。枵腹而戰。

孫吳不能以禦敵。滇遠天末。疾呼則明廷不應。環顧隣省如焚。能天雨乎。鬼運乎。公以屯馬爲六軍性命。精覈經制。釐正欺隱。樽節愛養。如克家救歲削針頭鉄。取喉上膏。炊無米之羹。而運不竭之源。未受內帑一錢。天儲一粟。而能使全軍宿飽。奏凱頻仍。此又最急之上着也。豈非屯田坐困先零之遠猷乎。上下古今。英雄作用。印符券合。真如國手奕。不必着着驚人。而能立于不敗。神醫治病。不必目前取効。而能獨于不知者矣。

烈象傳

烈象

事有以一着係安危、一物閱成敗、居恒視爲平平、而識微主幄者、尤必謹之蚤焉、歲乙丑、當霑烏聯水藺大舉憤兵再出、雞聯四省、震驚六詔、目中視昆海一盃、不足當飲馬矣、懷山彌壑、峰峰擣帳雲連、夙將名王、望前鋒惴惴不敢輕試、賊騎分三路下、東南一路尤銳、鋒不可當時、陶兵象馬初到、有陸姓小將、銳若初生犢、主者置之此路、非無意也、鋒刃未接、各營面面相覷、無人色、主帥叩天誓師、三軍振奮、賊果先以東南

萬騎奔突排山倒海陸將兵不滿千幸陶有名象一

象為致全勝者存此以見兵机

隻象奴馭之素得神机深伏小壘鼻中飲水泥數斛

賊騎恬不知奔騰而下象突出咆哮號吼躍起丈餘

萬馬辟易鼻中水泥噴作雲霧直搏賊鋒勢如猛虎

舉足踏賊人馬俱如糜復用鼻捲一悍賊拋向天墮

地踐蹙皮骨無完陸將引兵乘勝追逐喊聲四起馬

奔壑人潰野器械山集揮刀發銳我兵刀劍儘敵肉

溪壑漲賊血十年來滇兵之捷未有如此勝者大且

速且全者抵暮收兵象尚勃勃具餘勇馬龍通城百

姓携壺漿、務食、望象稽首百叩以謝。次日創發，病
通體出箭簇，計三升餘，鼻中一矢毒甚，遲又日象盡
瘁矣。嗟乎！據三酋惡醜，六詔兩迤，只拉枯朽，中外汹
汹不可保，得此一象，滇雲數百萬生靈轉危爲安，易
亂爲治，間不容髮，孰謂象之功可泯耶！嗟乎！設使
知有人我，知有衆寡，知有趨避，必憧憧于勇怯，即忘
入我衆寡趨避矣。藏伏不深，沈机不預，敵必因變設
奇，勝敗不知誰屬，所謂無心合道，善藏爲勇，不意于
一象見之也。馬龍人業已封塚立碑，余代庖守安普。

聞見最真特表出之以告黔陽臣子之留心封疆者
捐軀報國必先忘人我象一物且豎大功矧具七尺
靈萬彙者肯出此象下耶

皇明經世文編卷之五百

華亭

陳子龍臥子

宋徵璧尚木

編輯

徐孚遠闇公

周立勳勒卣

何剛慈人叅閱

文閣學奏疏

疏

文震孟

國步綦艱疏

敷陳時弊

湛詩先生清端亮直立朝之始卽上此疏直聲振

臣聞古語有謂厝火積薪以爲安者可爲痛哭乃今

天下爰立以後海內愆桀幸采而取竹權好在位

日之勢豈惟厝火幾於燎原矣奴賊兇氛正熾羈虜

不久滿清志以沒讀之舉不勝一兩州之勦

隱禍方深徐淮一震則江北江南將為蹂躪之地黔
 滇不守則東楚西楚復虞惟擾之憂濟濟班行未見
 腹心爪牙之足寄紛紛兵餉惟聞瘡痍溝壑之堪悲
 感地喪師無歲不有敗軍殺將所在相聞此真大小
 臣工戮力同心嘗膽臥薪之日而因循格套粉飾虛
 文卽 皇上具為堯為舜之資亦毫無啓心沃心之
 助將使祖宗金甌無缺之宇宙日銷月削勢將瓦解
 東支西潰又同河決叱皆諸臣誤國以至於此明知
 火之將炎而處堂自若但俟火炎而燕飛亦料水之

將沸而遊釜無愁猶翼水沸而魚躍此又諸臣之愚
而自悞今日非 皇上獨奮精明大破常格以鼓舞
豪傑之心發舒忠義之氣天下事固未知所終也蓋
常人之情激於振發則富貴之士皆可引於功名安
於頹靡卽道德之士未免流於迂腐 皇上昧爽臨
朝寒暑靡輟於政非不勤矣而勤政之實未見也鴻
臚引奏跪拜起立第如傀儡之登場了無生意則

辨一上稱此語處分

皇上之聰明何由開暢臣意 祖宗之制唱六科則
六科必當以次白事唱奏事則西臺必當以次白事

奏 旨某部知道則其部之正卿亞卿又必當以次
白事。職糾彈者糾彈。職條奏者條奏。剖析機宜獻可
替否。皇上憑而聽焉。與輔弼之大臣面商而裁決
焉。雷厲風行曾不踰頃。不惟聖智日以明習。練達即
在廷諸臣亦且可以見其才可以徵其氣。可以試其
倉卒。當事者日精思於職守之內。而無有軼志事外
者亦興起於景色之新。而各有奮心。若僅僅揭帖一
紙。長跪一諾。北面一揖。周旋進反。祇畢朝儀。安取此
駕行牙繡。腰金橫玉者為也。經筵日講。臨御有期。於

學非不講矣。而講學之實未見也。史臣進讀，鋪敘文辭，第如蒙師之誦說，無少開悟。則皇上之睿智，何自周通。臣聞祖宗之朝，君臣相對，如家人父子。軍國重事，間闔隱微，無不諮詢，無不洞達。故雖深居九重，而情形畢照，懷奸挾詐，既無竇可以自藏，左右近習，亦無緣可以蒙蔽。若僅僅尊嚴若神，上下拱手，精神不振，提醒不靈，恭默之容，或久而生倦，跛倚之衆，亦怠而欲休。經傳典謨，祇成故事，安取此正笏垂紳，展書簪筆者爲也。皇上之神情，既與羣臣不相浹。

洽則 皇上之靈爽必與天下不相昭融。退入內廷而耳目所觸發。德性所熏蒸。自不越於中涓常侍之口頰。夫大君照臨之體段。帝王宏遠之規模。則豈若輩之所能解。於是無名濫予。而藩封之踰額。屢煩中旨之傳宣。且以一藩之越禮。吁咈庭乃致諸藩之停封。思膏久壅。國彝家範。盡箴之爲开髦。此何禮也。有罪不誅。而失機之成案。更來衆喙之紛紜。恣羅織者。旣引繩而披根。護善類者。復因枝而惜葉。國憲刑章。悉付之於葛藤。此何法也。危如山海。而閣臣一出。

共偷安於無事。全廟算何以張捷伐之威。慘如黔
園而撫臣坐視。竟嚴譴之莫施。每事優柔。何以成臂
指之勢。乃近日中朝舉動。則更有可異者。總憲鄒元
標行矣。僉院馮從吾杜門矣。首揆冢宰相率而請去
矣。此皆三朝憇遺。而一旦以講學之故。使俱不得安
於其位。空人國以管私窟。幾似濁流之投。詈道學以
逐名賢。有甚僞學之禁。唐宋末季。可爲永鑒。亦未有
以明告我。皇上者耳。去者爲榮。則仕者不貴。頃尚
書王紀削籍歸農。彌增品望。策蹇出都。人謂快於

騾破帽蒙頭。人謂華於蟒玉。今諸臣被道學之名以去。其貴且甚於三公九卿也。夫天子之所以勵世作人者。惟此爵祿名號。而至使角巾尊于冠冕。此豈清平之世所宜有哉。邪風鼓煽。國是混淆。此尤隱伏之亂源。統祈 皇上之洞鑒。臣史官也。本無言責。不必深言是非。以挑爭辯。但念世受國恩。更蒙寵拔。目擊時事。貼危。人心玩愒。每自當食長歎。中宵涕零。治亂消長。統繫 皇上一身。故敢不避譴訶。臚陳時弊。倘蒙睿覽。稍見施行。臣雖坐妄言生事之罪。所甘心矣。

講筵已輟疏

講筵 疏

詞臣獻替惟右經筵乃進講所於中堂設定

臣一介書生，悞蒙先朝拔擢，感激國恩，矢圖報効。疏

而後發陳別說詩之得陳者亦矣遠有斥逐講官

觸逆璫，卽時貶謫林居五載，削奪復加，恐惕憂虞，幾

以立威者不可數也

無死所，幸聖明御宇，日月重光，詔起田間，還之史局。

叨侍講帷，又經一載，臣每當進講之日，輒焚香告天。

願一言半語，獲當宸聽，期畢涓埃，仰酬恩遇，而才智

疎淺，啓沃無能，竊謂帝王之學，與經生學士不同，必

期經術經世，乃為實用，反復開陳，未嘗不與時事相

關切也。臣竊見自逆奴匪茹，聖心焦勞，綜覈事功，須

挈綱領。刑法雖峻。猜疑漸啓。于事未有濟也。故于君使臣以禮章勸。皇上培養士氣。推心感人。而辨賢。奸。酌用舍。尤惓惓焉。見命將出師。莫有定算。功罪未審。賞罰未明。今虜踞遵永。十有餘旬。瞬息長夏。又將秋高。彼時時可來。我着着無備。勢如繁絲。絕無成緒。改于管仲器小章引管子言。兵主不足。畏則戰。難勝也。德必當其位。功必當其祿。能必當其官。信小人者。失士也。見羣小合謀。必欲借邊才以翻逆案。雖聖意持之甚堅。而奸黨圖之愈急。故於子語魯太史一章。

願 皇上剖晰是非辨別邪正而曰一音雜而衆音
皆亂。一小人進而衆君子皆廢。蓋天下容有無才悞
事之君子而必無懷忠報國之小人。今有平生無恥
慘殺名賢之呂純如且藉奧援而思辨雪矣。消長糾
復之關甚可畏也。又見吏部尚書王永光身爲六卿
之長獨蒙 皇上眷注而假竊威福倒置用舍簸弄
朝權擅行私臆故于甘誓章言戰勝攻取非獨左右
之恭命尤在六卿之得人而曰用舍不淆于倉卒則
國是定而王靈嗚威福不假于信任則神氣振而敵

斥之可謂聖人之所

長垣死其孫請卹上報然

愾揚大抵皆爲用人之人發也。又見永光無事不專而持之以狠。發念必欺。而飾之以朴。機深計巧。投無不中。人皆知盧杞之姦邪。而咸畏林甫之岸谷。故以年例大典而變亂。祖制以考選公典而擯斥清才。舉朝震恐。莫敢訟言。臣下雷同。豈國之福乎。故于五子之歌章。言識精明則環而同者。無所售其欺。心純一。則巧于中者。無所投其隙。臣故知。皇上天縱聰明。必洞燭其情。不爲所動。猶爲此語者。則憂治危明之極思耳。其他若盡力替襄恪恭官守。捐軀殉國。納

諫披鱗，精忠報主，赤心任事，選將練兵，信賞必罰，一篇之中，三致意焉。誠見于今國步方艱，夷氛正惡，大小臣工，當爲在山之虎豹，不當爲處堂之燕雀，當爲朝陽之鳴鳳，不當爲抱葉之寒蟬，當視國如家，除兇雪恥，不當分門別戶，引類呼朋。此臣一念孤忠，根于天性，九死不回者也。然臣之自爲謀，則已拙矣。官非省臺，身無言責，優游清華，循資上進，豈非便計，而感憤時事，痛不能忍，亦謂臣今日餘生，皇上所賜，仍欲以此餘生，仰報皇上，不以數年摧折，變其初志。

耳。羣謀方熾，首擢其鋒。此疏一出，豈有全理。秋日講期，自不能復瞻天表，稍獻微忱矣。然使蒙皇上因臣之言，洞然省察，內除姦佞，外攘夷狄，克昌大業，聿奏中興，職雖獲罪，有餘榮焉。

孝思無窮疏

改正實錄

臣猥以菲才，備員史局，頃因纂修熹宗皇帝實錄，從閣中恭請光宗皇帝實錄副本較對，見其間舛誤甚多，而悖謬之大者，如先帝之冊立，與挺擊紅丸大事，皆祖三朝要典之邪說，而應和之。蓋天啓三

年七月十六日實錄進呈則禮臣周炳謨等史官莊際昌等所纂修而閣臣葉向高韓爌等所總裁者也至天啓六年逆黨崔呈秀等謂實錄非實請 旨重修則崇禎元年二月十七日所進今 皇史宬之所

藏者也。是時

皇上初登大寶要典未燬逆案未成

實錄雖未收然天下有耳目者所共見聞也

閣臣黃立極等不行奏明含糊從事後來諸臣亦無

復發金匱之祕洗右渠之穢者要典雖焚邪說未殄

凡 先帝二十年青宮之憂患與夫一月 天子萬

年聖人等事俱隱而不彰斯固臣子之所痛心者也。

昨見 皇上追念 先帝冊封 敬妃慎嬪以寄永

思 皇衷純孝孺慕彌殷溥海臣民咸爲感動乃

先帝紀載尚未清明使今日編纂將何所據流傳後
世又安取衷國是所關良非細故若謂已入史歲不
可復出則逆璫之矯 旨且能行於當年聖明之獨
斷豈不易于反手視爲緩圖置不上聞亦非臣子之
所安也臣謹摘其甚者上賚睿覽一云當命哲之日
詔誥恩賚儼然負震器之重儲官既定典制大明而
浮議外滋無端蔓引皆好事者之過云云臣謹按

先帝冊立一事。自萬曆十四年以至二十八年。廷臣羽翼國本。有貶謫者。有削籍者。有遣戍者。有廷杖者。忘身殉國。九死不移。諸臣亦何利于已而爲之。縱

皇心有主。未忍言夾日之功。而精忠自盟。豈可沒回天之力。乃謂浮議外滋。無端蔓引一語抹殺。謂皆好事者之過。此與三朝要典所稱姦黨構釁。希圖定策。與三案諸姦。一脉相貫者。同一邪說也。宜改正者一。一云四十三年五月有男子張差持梃入東宮殿簷下。擊傷門者。中官共執之。巡視皇城御史劉廷元回

奏張差話不情實語無倫次。按其迹若涉風魔。稽其貌的是黠猾。而刑部提牢主事王之寀捏謀危東官之說。詞連二璫。科臣何士晉行人陸大受主事張廷等附和其說。愈加激聒云云。臣按此卽要典中槌擊一案也。卽據劉廷元疏亦明言稽其貌的是黠猾。而必欲以風癩二字草草結局。不容王之寀奏張差口詞指爲捏謀。何也。且張差有口。舉朝豈應默然。而一有言者輒曰附和。曰激聒。則必使東官無一護衛之人。而後快乎。正與要典同一邪說。宜改正者二。一因

工科給事中惠世揚疏論劉廷元遂謂初張差狂闖
斬道闌入宮門廷元巡視皇城按狀風魔皇祖是
其奏讞決平允自王之寀突揭搆黨徒黨因以爲利
借他事讎廷元未幾果顯攻風癩之案一時邪說世
揚實爲之倡云云臣按王之寀摘發張差之逆至于
察處至于削奪後逮死詔獄莫敢議卹卽惠世揚身
被五毒體無完膚所以不卽死者逆璫欲借爲戎首
遍殺天下名流非宥之也幸聖明御宇僅免一死尚
稽啓事乃云徒黨因以爲利斯亦何利之有焉况風

癩之案。忠臣義士所共明目張膽而攻者。何俟世揚
 為倡。始顯攻之。要典邪說。宜改正者三。一云張差闖
 入東朝。言者紛紛。御史劉光復言致辟行刑。一獄吏
 任。似不必言官詫為奇貨。居為元功。以此二語為異
 議者。刺骨云云。臣按劉光復之得罪也。實以奏對越
 次。然據其語。但言 皇上極慈愛。太子極仁孝。兩言
劉之在獄大開賄賂。其人不足一也。
 亦未見其有功於 神祖及 先帝。而奇貨元功之
 語。不可謂非抹殺忠義矣。大抵闖官一事。挺及殿簷。
 近侍俱躋。亦天下奇變也。必欲視為平常。不當根究。

以爲僅一獄吏之任。此何心哉。要典邪說宜改正者
四。一云方 上疾大漸。召李可灼并趣和藥。悉出

聖意。一時臣工所共聞共見。其後有造爲許止不嘗
藥之論。羣小附和。鬻然鼎沸。汗鱗 君父幾成晦暝

之世。亾何正論大明。邪說漸滅。且云李可灼往來思

此語能吹

善門中。使以聞其傳奏姓名。莫可得而問云云。臣按
此卽要典中紅丸一案也。昔唐憲宗歿。杖殺方士柳
泌。泌蓋爲憲宗製長生藥者。彼豈不願其主之長生
而餌藥不效。則殺之而不爲過。後世亦不以爲寬。今

可灼進藥而先帝賓天縱謂之誤庸醫殺人律有

明罪况誤傷天子乎此即肆諸市朝亦人情所愜

此猶不足怪上登極後起廢籍中諸有可均

而乃與顧命大臣同賜金帛比屢經論劾僅准致仕

此何說也

回籍此何以解于天下後世且宮闈之中傳奏姓名

豈遂不可窮詰稍欲窮詰即曰羣小曰汗蠖曰晦冥

此皆要典邪說也宜改正者五以上五條僅摘其尤

悖謬者伏乞聖裁即勅史館逐一改正或取天啓三

年所進遺稿再加勘定入皇史宬庶千古之是非不

悖一代之褒貶可憑而于皇上之達孝亦有光矣

方今夷氛未靖，四郊多壘，或謂臣言非其時，而邪說之害，甚于夷狄，自古記之矣。况目覩止孝之聖主，永言維則，何敢不俯循職掌，仰佐涓埃。

皇陵震動疏

邊亂之源

頃者流賊不靖，毒流五省，乃至侵犯皇陵，焚燒禋殿，則真古今未有之奇變，臣死臣辱之秋也。顧不亟滅此賊，無以洩神人之憤，而不追溯亂源，亦無以施戡定之功。臣嘗博覽史冊，參觀理數，從來未有天縱聖明如皇上，勵精求治如皇上，而紛紜恒擾，寇

盜相尋、民不樂生、世無寧宇。如今日者、斯其說在易之蠱矣。蠱之敗壞、必易世而後見。故爻皆以幹蠱爲詞。明前人養其疾、至後人始受之也。皇上御極于乾綱解紐、國步幾危之日、一番振滌、日月重光、深得先甲之維新。而于後甲之丁寧。似稍略焉。蓋戊巳之際、廢籍諸臣、彙征連茹、而謀國罔效。醜虜陸梁、以致聖衷懷疑、羣邪伺隙。沿至于今、繆種漸萌、蔓延滋長。狐陽時翳于陰、暖砥柱莫挽于狂瀾。魍魎或嘯舞于離明、狐鼠且縱橫于城社。逆氣足以召逆、妖氛足以

成妖、此致亂之源也。堂陛之地、欺猜愈深、朝野之間、刻削日甚、縉紳感靡騁之懷、士子嗟束濕之困、商旅咨歎、百工失業、本猶全盛之海宇、忽見無聊之景色、譬諸人身、飲食起居、未改常度、而神情恍然不樂、問其所苦、且不能言、此又致亂之源也。邊事旣壞、修舉無謀、兵不精而日增、餉隨兵而日益、餉益則賦重、賦重則刑繁、仰屋難籌、點金無術、復乘之以天災、因之以飢饉、父母凍餓、妻子離散、悲啼慘泣、所不忍聞、而守令惕功令之嚴、畏叅罰之峻、不得不舉鳩形鵠面

無食無衣之赤子。而笞之禁之。琅璫而桁楊之。使愁苦之氣。上薄于天。冤痛之聲。下徹于地。皇上雖有恤民惠下之德意。而九重深邃。此等悲楚。何能上聞。下民無知。直謂有司仇我虐我。今而後得反之也。此又致亂之源也。盜賊四起。羽書交馳。調將徵兵。無地不有。而將無紀律。兵無行伍。淫汙殺劫。慘不可言。所掠婦女。荆布者。徒步隨行。錦繡者。乘馬掩泣。尾賊而往。莫敢奮臂所獲之級。半是良民。所報之功。毫無寔績。民間遂有賊兵如梳。官兵如櫛之謠。民安得不爲

盜盜安得不日繁。此又致亂之源也。具此亂源而當事諸臣不能憂國奉公反躬省己一統之朝強分畛域。偶居之世日尋戈矛。加膝墜淵。總由恩怨。張羅布網。費盡機關。試觀幾年以來。所謂振綱肅紀者何事。推賢用能者何人。安內攘外者何道。富國強兵者何策。卽如流賊一事。飄忽已久。先事無堵截之謀。臨時無決勝之計。旣失一夫當關之勢。縱虎出林。復誤各撫分鎮之謀。教猱升木。今日廟社怨恫。幽明胥痛。國事至此。諸臣之肉豈足食乎。而陪京洪業。漕運大事。

江南重地。三邊鉅任。又不知廟算萬全。果何途之從也。以此戡亂。亂何由弭。真可爲慟哭流涕者矣。夫皇上以不世出之英主。而遭此不世見之異事。凡食君之祿。擔君之爵者。皆當伏鈇鑕之誅。膺放流之典。固非角素盈朝。可以塞責。慰安一疏。可以畢事者也。在 皇上宜赫然一怒。以安天下。發哀痛之詔。明罪已之懷。按失事之誅。正誤國之罪。行撫綏之寔事。蠲民間之積逋。先收人心。以遏寇盜。使仁人君子得專意以牧民。豈弟循良。不攢眉于督責。徐議財源之濬。

無徒竭澤之漁，盡斥患得患失之鄙夫，廣集羣策羣力以定亂，練兵選將，豈乏良圖，理財用人，非無大道，運籌必得其竅，則德控可以無虞，布置不失其宜，則人情自皆悅服。蠱之象曰：振民育德，蓋振取蕩滌之義，育有補救之方，若復養癰不決，弛瑟不張，俞咈無聞，而但云已有旨矣，方圯旣極，而尚言戴罪圖功，忽悠悠將安底止，臣叨蒙聖恩，捐糜思効，自恨白面之書生，莫剖丹心以報國，悲憤交集，涕泗陳言，仰乞皇上鑒此愚誠，寬其罪責，倘芻蕘可採，願葑菲不遺。

皇明經世編

卷之一

卷之一

五

五

臣無任戰慄激切待命之至